



Universitätsbibliothek Paderborn

**Johannis Meyeri S. Literarum Doct. & Prof. Uxor
Christiana Sive De Conjugio Inter Duos Deque Incestu Et
Divortiis, Dissertationes Tres**

Meier, Johannes

Amstelædami, 1688

Cap. VII. Vtrum verba, crescite & multiplicamini Gen. I. 28. ac unius Evæ
ad Adamum adductio Cap. II. 22. monogamiam vel polygamiam
adstruant?

urn:nbn:de:hbz:466:1-40272

vinum institutum, sed in gynecæis & diversis ædificiis habitat seorsim, sicut Ester cap. 11. 2. 111. 11. per aliquot dies & menses non vocata. Finis autem hujus unionis erat, ut vir auxilium & subfidum haberet in promptu, quod esset coram ipso, eique simile, in unum cum eo coalescens. Non ita fœminæ animalium maribus sociatæ sunt, inquit Abarbenel *Commentario in libros Mosis* fol. 27. col. 4. utpote quæ statim divelluntur.

XII. Fingit Athanasius, Adamum, cum pessima adjutrix fuerit Eva, Diaboli potius, quam viri, de aliis adjutoriis idem præsumpsisse, atque ea propter a pluribus abhorruisse. Quod falsissimum esse commentum, nemo non videt; quum ante lapsum omnia ista verba Deus pronunciaverit, neque Adamum in consilium adhibuerit, a quo nec impeditus fuit. Denique excipiunt polygamiæ patroni, Deum loqui de uno tantum auxilio, in uno matrimonio, in polygamia autem non unum, sed plura contrahi matrimonia, quorum singula unum auxilium admittant. Destruere quidem fatentur polygamiam unitatem auxilii, non autem unitatem auxilii in uno matrimonio; secus enim omnia matrimonia post Adamum fore damnanda, in quibus etiam multa sint auxilia. Cui difficultati satisfacere nescit Arcuarius p. 57. Ego autem illud absurdorum omnium absurdissimum esse judico. Hoc ipsum κερώμενον est, utrum plura simul matrimonia, prima uxore nondum mortua, contrahere sit licitum. Quod non est supponendum, sed probandum. Exemplo faltem Adami probari nequit. Eadem objectio redit capite sequenti. Ideoque hic diutius hisce fragmentis & effugis immorari me piget.

C A P U T VII.

*Vtrum verba, crescere & multiplicamini Gen. 1. 28. ac unius Eve
ad Adamum adductio Cap. 11. 22. monogamiam vel
polygamiam adstruant?*

MEntem præcepti de multiplicatione & fructificatione Gen. 1. 28. supra capite primo exposuimus. Ut veritas paulo clarius eluceat, & ad partes nostras inclinet pendens forsan adhuc lectoris animus, objectionibus hisce adversariorum occurrentum. Athanasius quidem præmonet p. 148. Theophilum tanquam negantem polygamiam esse peccatum, ab omni probatione potuisse abstinere,

stinere, cum affirmanti incumbat probatio, ex abundati tamen probationem suscepisse. Sed gratis illud monet, quandoquidem affirmat Theophilus Thes. I. Polygamiam cum jure naturæ, gentium, divino & civili exactissime concordare; affirmat Thes. xv. iuri divino polygamiam convenire; affirmat Thes. xvii. pluralitatem foeminarum esse necessariam. Hoc affirmanti non potest non incumbere probatio. Deinde scimus quidem ex auctoritate ut Logicorum, sic Jureconsultorum omnium, quorum in corpore utroque constantes regulæ, probationem non negantis esse, sed affirmantis; illius esse probare non negationem, sed exceptio-
nem; nudis asieverationibus res non constitui, & quæ id genus plu-
ria. At non queritur, quid stricto jure quis teneatur, sed quid faciat ex liberalitate, & ex abundantia juris. Unde Protestantum licet negantium, opere contra Pontificios Disputationes. Neganti non incumbit primo loco, omni jure. Deinde distin-
guunt Disputantes interfacienda & credenda, negationes priores probari posse docent, quia in Decalogo continentur; debere, quia secundum humana jura probanda est actio etiam negativa. Hæc præter viam. Dicutienda igitur sunt paucis, ut ad reliqua tran-
seamus, quæ in medium adferuntur Thes. xx. & seq. Th. xxxvi.
xxxvi i. lxxv.

II. Argumentum tanquam primarium & Achilleum promunt hujusmodi: Quicunque jubentur crescere, se multiplicare & replere terram, illi jubentur hoc facere modo optimo & con-
venientissimo, legitimo puta, seu Scripturæ sacræ, quæ supre-
ma lex est, non contrario. Atqui primi nostri parentes, A-
damus, Noachus, atque omnes eorum posteri jubentur crece-
re &c. Ergo. Concedimus totum. Urgent, verba non esse bene-
dictoria tantum, sed & imperatoria. Et hoc supra capite primo
largiti fuimus. Neque tamen omnes sine discrimine obligari,
fatetur ipse Athanasius p. 146. Si matrimonium auspicaturus
non invenit in seipso vires animi ad regendum, corporis ad fa-
tisfaciendum, aut generandum, & fortunæ, ad sustentandam
familiam, intermittit vel unam ducere, viribus suis scilicet dif-
fusus.

III. Pergit Theophilus: Quicunque modus est legitimus, ille
est optimus. Atqui Polygamia est modus legitimus. Repon-
deo negando assumptionem cum adjecta probatione, quod vide-
licet

licet conveniat cum lege prima & catholica Gen. 1. 28. nec contrarietur ulli legi Dei. Prius falsum esse, supra satis probatum dedi. Posterius in sequentibus liquebit. Utrum commodius terra repleteatur per Polygamiam, si alias non sit prohibita, deinde differere erit satius, ubi de jure naturæ. Id saltem hoc loco velim expendi; si melius per Polygamiam mundus repleri possit, cur Deus Adamo & Noacho, primis mundi incolis, quibus hoc præceptum præ omnibus aliis datum, ut mundum propagarent & conservarent, plures non adjunxerit? quos tamen Polygamos fuisse, afferere non est ausus Athanasius p. 145. & 205. Quæ continentur Th. xxii. eadem sunt cum Th. 11. 111. & jus naturæ concernunt. Thesibus xxii. xxiiii. xxiv. xxv. probat Theophilus, in Decalogo polygamiam non esse prohibitam. De quo post, ubi ordo historicus nos eo deduxerit. Nunc porro demonstrandum suscipit, in Mose, Prophetis, Psalmis & Apostolis polygamiam non esse prohibitam. Exorditur a creatione, quæ nobis sola hac Sectione exanimanda.

IV. Deum adduxisse unicam Evam Adamo, id nullam præbere ἀπόδειξιν, censet Theophilus Th. xxvi. Adamum enim, cum viderit, animantia omnia copulari cum sui similibus, de socia etiam cogitare cœpisse, & mediante Eva ex costa creata, omnibus bonis animi & corporis ac fortunæ spoliatum, odium procul dubio contra eam suscepisse, & nullam præterea ipsi similem desiderasse, ne plura mala incurreret: Invito autem non obrudi beneficium. Eadem passim repetit Athanasius p. 18. 19. 20. Respondeo, quis credat affirmantibus sine teste, sine historia? Etenim hæc omnia statuuntur ἀπόγεγραφέσκη λόγοι. Gratis supponit, Adamum ex brutorum consideratione Deum prævenisse, propter lapsum Evæ, nullam desiderasse uxorem ultra Eym, Deumque, si desiderasset, primum fuisse in illius vota. Cum etiam integer, illa integra existente, nullam amplius desiderarit. Adeo ut perquam ridiculum sit hoc ac immane quantum distortum subterfugium. Ejusdem commatis & furfuris sunt, quæ ad Theophili thesin commentatus, sive commentus est potius Athanasius p. 18. Adamum in plures uxores, si Deus adduxisset, non fuisse consensurum, ad secunda vota transfire noluisset; non consultum duxisse creatorem, uno die ipsum multis uxoribus one-

rare-

rare, sed primo animadvertere, quomodo cum prima se geret.

V. Quasi vero Adam fuisset independens a Deo, in hoc mundo inferiore, cui potuisset contradicere, ac omnia pro lubitu imperare, cum tamen præter obsequii gloriam nihil ei fuisset relictum. Supponit voluntatem Dei antecedentem, cuius impletionem a voluntate humana prorsus suspendit. Cum e contrario voluntas creata dependeat a Deo metaphysice, ut creatore & conservatore suo, & moraliter, ut legislatore ac Domino. Si priores & posteriores volitiones in Deo ponantur, quarum hæc sæpicule diversæ ab illis, Dei voluntas erit mutabilis, quod summi Numinis perfectioni repugnat, & Scripturæ Mal. 111. 6. Jac. 1. 17. Quod si ergo novas creatas uxores Deo adducere visum fuisset, inscio Adamo, hiccine invitum se præbuisset? Rogetne Deus homines, quibus absolute imperat, quid velint & cupiant, & quidem peccatores, qui sua ignorant commoda?

VI. Si onus fuerit pluralitas uxorum, quod Deus Adamo imponere noluerit, ei neutiquam ferendo pares sunt posteri ejus; sin beneficium, quidni eo mactasset protoplastum, in quem tanta dona effuderat, & cui hoc tam necessarium erat in mundi exordio? Comparat Deum Labani, una die Jacobo plures uxores jungere nolenti, quem hoc in negotio fraudulenter egisse, norunt omnes, ex Gen. xxix. 25. Pudeat Christianos, libidinis promovendæ causa quidvis fingere, Deumque dolosis hominibus comparare. Neque erat, quod metueret Adam, ne si post lapsum plures duceret uxores, totius mundi exul plura mala incurreret. Quamvis enim eopse die, quo Dei legem transgressus, sensu favoris Dei privatus, poenam & tormenta pataretur, quæ Dei ira & potentia inflxit, ad vindictam læsæ suæ Majestatis Gen. 111. 8. & seq. coll. cum Apoc. vi. 15. 16. 17. non tamen eam poenam toleravit, ad satisfactionem usque justitiae divinæ, interveniente statim Filio Dei Mediatore Gen. 111. 15. qui sponsionem suscepit ex pacto æterno. Heb. xiiii. 20. Psal. 11. 7. Zach vi. 13.

VII Ideoque mox exercere Deus coepit divitias longanimitatis, tolerantiae & benignitatis Rom. ii. 4. variasque benedictiones in statu integritatis concessas, Adamo denuo fruendas concessit, quorum

rum una fuit, eaque neutquam postrema, propagatio sui generis, seu facultas communicandi vitam naturalem, & multiplicatio per generationem, qua quidem per peccatum excidisset, ni Deo illud beneficium reddere, & matrimonii nexus ante institutum, atque maris & uxoris conjugalem societatem rursus adstringere visum fuisset Gen. 111. 16. 17. c. 1v. 1. Quam gratiam homo amplexus, uxorem suam Chavvam sive matrem viventium vocavit, unde Pseudo-Jonathan & Targum Hieros. ad Gen. 111. 15. fore, dicunt, *ut quando filii mulieris operam daturi essent legi, & facturi mandata, contrituri sint serpenti caput, & tempore Messie contra ejus morsum remedium futurum.*

VIII. Id omnino intolerabile est, quod dicunt Th. xxix. Adamum fuisse in culpa, quod Deus ei plures non adduxerit uxores. Num in integrum hominem cadit culpa? num Deus in institutione status ab Adamo ejusque desiderio peperdit? num ad illius lubitum disponere debuit aut voluit ille, cui nemo a consiliis, qui cum nomine communicat consilium, quem nemo docet scientiam & cui viam prudentiae nemo notam facit Esa. XL. 13. 14. An homuncio leges naturae mutare, generisque humani propagationem impedire potuit? Quidni Adam alias uxores desideravit post lapsum, cum alias nostri polygamiæ patroni hoc tanquam medium devorandæ molestiæ & miseriæ commendent? Nonne temerarium est dicere, non posse scire, an Adam plures uxores habuerit? cuius rei nec vola nec vestigium in historia creationis & in tota Scriptura. Deum potuisse adhuc, clamant, ex costa tina vel altera, peccatis inquinata plures uxores creare? Quamvis Dei potentiae limites ponere nolimus, multa tamen sunt, quæ arguunt in tam confidenti assertione nihil esse solidi ac certi. Ne dicam, quod a posse ad esse non valeat consequentia. Hæc enim nova fuisset creatio, a qua post sex dies abstinuit, cum sufficeret Dei concursus & providentia ad generationem, constitutis patribus carnis, Deoque solo manente patre Spirituum Heb. xii. 9. Potuisset Deus homines singulos separatim creare ad modum angelorum. Sed non placuit. Non produxit Deus ab eo tempore, præter animas, quæ generari nequeunt, novas creaturas; alioquin enim rerum omnium principium sex diebus non finiendum, sed ulterius per plures dies & menses continuandum fuisset, quod & Mosaicæ

K

nar-

narrationi, & omnium, qui Scripturis fidem habent, consentienti sententiæ repugnat.

C A P U T . V I I I .

*Vtrum phrases, adhærebit uxori suæ, & erunt duo in carnem unam Gen. 11. 24. atque dominum viri cap. IIII. 16.
Polygamia faveant, an Monogamia?*

Institutionis verba, quæ clarissima sunt, & sufficienter a nobis super Capite Secundo exposita, nullum poterunt negotium facesse nisi iis, quibus contradicendi & hypothesi suæ inserviendi libido, judicii libertatem eripuit; inhærendum tamen adhuc nonnullum eis est propter adversariorum exceptiones. Quod enim Deus in singulari dixit, וְשָׁנָה בְּכָרָה, quod in Latio significat *adhærebit uxori suæ*, &, *duo erunt in carnem unam* Gen. 11. 24. id non semper aliquam singularitatem vel unitatem exclusivam involvere, contendunt Theophilus & Athanasius Thes. xxvii. xxviii. Sicut Deus jubendo diligere proximum suum, non vult, unum hominem esse diligendum; singularem numerum libertatem tantum concedere ducendi unam vel plures. In Decalogo nomen Dei, Sabbathum, patrem & matrem, ac in præcepto x. omnia objecta in singulari numero poni, ex quibus tamen non sit concludendum, unam domum, unamve uxorem esse prohibitam, aut faltem unum Dei nomen in vanum non esse assumendum. Et numeralia illa, duo, tres vel tria, aliaque non semper exclusive sumi in Scriptura, sed significare tantum, quod duo ad minimum faciant conjugium. Idem olim objiciebat B. Ochinus. Quibus similia exhibit Daph. Arcuarius pag. 71. & seqq.

II. Quantum se fatigant homines, ut contra claram lucem verbi divini, suam defendant hypothesis. Exstruxit Deus ex una costa unam foeminam, quam Adamo adducens dixit: *Ideo deseret homo patrem & matrem suam, & adhærebit uxori sua, & erunt in carnem unam.* Ex quibus vel coeco appareat, conjugium inter duos esse institutum, quod & tandem absurdissimis suis effugiis fateri coguntur. Quæ hic est comparatio inter uxorem tuam & proximum tuum? Ubi Deus ita restrinxit amorem proximi, ut u-

num